

楊氏產乳療通體遍身腫小便不利

猪苓五兩搗篩煎水三合調服方寸七加至二七

治卒大腹水病方第二十五

水病之初先目上腫起如老蠶色俠頭脈動股裏冷脛中滿按之沒指腹內轉側有節聲此其候也不即治須臾身體稍腫肚盡脹按之隨手起則病已成猶可爲治此皆從虛損大病或下痢後婦人產後飲水不即消三焦受病小便不利乃相結漸漸生聚遂流諸經絡故也治之方

葶藶一升熬搗之於臼上割生雄鷄雞合血共頭共搗萬杵服如梧子五丸稍加至十九勿食鹽常食小豆飯飲小豆汁

道藏輯要

肘後備急方

空

虛集十

鱧魚佳也

又方防風甘草葶藶各二兩搗苦酒和丸如梧子大三丸日三服常服之取消平乃止

又方雄黃六分麝香三分甘遂芫花人參各二分搗蜜和丸服如豆大二丸加至四丸即差

又方但以春酒五升漬葶藶子二升隔宿稍服一合小便當利又方葶藶一兩杏仁二十枚並熬黃色搗分十服小便去立差又方胡洽水銀丸大治水腫利小便姚同葶藶椒目各一升芒消六兩水銀十兩水煮水銀三日三夜乃以合搗六萬杵自相和丸服如大豆丸日三服日增一丸至十九更從一起差

後食牛羊肉自補稍稍飲之

又方多取柯枝皮剉濃煮煎令可丸服如梧子大三丸須臾又一丸當下水後將服三丸日三服此樹一名木奴南人用作船

又方真蘇合香水銀白粉等分蜜丸服如大豆二丸日三當下水節飲好自養無蘇合可闕之也

又方取華麻繩熟者二十枚去皮研之水解得三合日一服至日中許當吐下諸水汁結裏若不盡三日後更服二十枚猶未盡更復作差節飲及鹹等

又方小豆一升白雞一頭治食法以水三斗煮熟食滓飲汁

道藏輯要

肘後備急

卷

虛集十

稍稍令盡

又方取青雄鴨以水五升飲汁一升稍稍飲令盡厚覆之取汗佳

又方取胡鷺卵中黃頓云

又方取蛤蜊炙令熟日食十條

又方若唯腹大動搖水聲皮膚黑名曰水蠱巴豆九十枚去皮心杏仁六十枚去皮尖並蒸令黃搗和之服如小豆大一枚以水下爲度勿飲酒佳

又方鬼扇細搗絞汁服如雞子即下水一復取水蠱若湯研麻子汁飲之

又方慈彌草三十斤子三石煮取一石去滓更湯上煎令可丸服如皂莢子三丸至五六丸水隨小便去即飲糜粥養之
又方白茅根一大把小豆三升水三升煮取乾去茅根食豆水隨小便下

又方鼠尾草馬鞭草各十斤水一石煮取五斗去滓更煎以粉和爲丸服如大豆大二丸加至四五丸禁肥肉生冷勿食
腫滿者白椹樹白皮一握水二升煮取五合白檳榔大者二枚末之內更煎三五沸湯成下少許紅雪服之

又將服牛蒡商陸羊內臙及香柔煎等在腫滿條中其十水丸諸大方在別卷若止皮膚水腹內未有者服諸發汗藥得汗便道藏輯要
肘後備急方
虛集十
川又川
差然慎護風寒爲急若唯腹大下之不去便針臍下二寸入數分令水出孔合須腹減乃止

附方

李絳兵部手集方療水病無問年月深淺雖復脈惡亦主之
大戟當歸橘皮各一大兩切以水一大升煮取七合頓服利水二三斗勿怪至重不過再服便差禁毒食一年水下後更服永不作此方出張尙客

外臺祕要治水氣

商陸根白者去皮切如小豆許一大盞以水三升煮取一升已上爛即取粟米一大盞煮成粥仍空心服若一日兩度服

卽恐利多每日服一頓卽微利不得雜食

又療水病腫

鯉魚一頭極大者去頭尾及骨唯取肉以水二斗赤小豆一大升和魚肉煮可取二升已上汁生布絞去滓頓服盡如不能盡分爲二服後服溫令暖服訖當下利利盡卽差

又方卒患腫滿曾有人忽腳跌腫漸上至膝足不可踐地至大腹頭面徧身大腫脹滿

苦瓠白瓠實捻如大豆粒以麩裏煮一沸空心服七枚至午當出水一斗三日水自出不止大瘦乃差三年內慎口味也苦瓠須好者無麩翳細理研淨者不爾有毒不用

道藏輯要

肘後備急方

釜

虛集十

聖惠方治十種水不差垂死

用猪肉半斤切粳米三合水三升葱椒薑豉作粥食之

又方治十種水病腫滿喘促不得臥

以螻蛄五枚乾爲末食前湯調半錢七至一錢小便通效

食醫心鏡治十種水病不差垂死

青頭鴨一隻治如食法細切和米并五味煮令極熟作粥空腹食之

又方主水氣脹滿浮腫小便澀少

白鴨一隻去毛腸洗饋飯半升以飯薑椒蘗鴨腹中縫定如法蒸候熟食之

勞氏產乳癢身體腫滿水氣急臥不得

鄒李人一大合搗爲末和麥麩作餅子與喫入口卽大便
通利氣便差

梅師方治水腫坐臥不得頭面身體悉腫

取東引花桑枝燒灰淋汁煮赤小豆空心食令飽饑卽食盡
不得喫飯

又方治水腫小便澁

黃牛尿飲一升日至夜小便利差勿食鹽

又方治心下有水

白朮三兩澤瀉五兩剉以水三升煎取一升半分

道藏輯要

肘後備急方

矣

虛集十
川

千金翼治小便不利膀胱水氣流滯

以浮萍日乾末服方寸七日一二服良

經驗方河東裴氏傳經效治水腫及暴腫

葶藶三兩杵六千下令如泥卽下漢防己末四兩取綠頭鴨
就藥臼中截頭瀝血於臼中血盡和鴨頭更搗五千下丸如
梧桐子患甚者空腹白湯下十九丸稍可者五丸頻服五日止
此藥利小便有效如神

韋宙獨行方療水腫從腳起入腹則殺人

用赤小豆一斗煮令極爛取汁四五升溫漬膝以下若已入
腹但服小豆勿雜食亦愈

李絳兵部手集方亦著此法云曾得效

治卒心腹癥堅方第二十六

治卒暴癥腹中有物如石痛如刺晝夜啼呼不治之百日死方
牛膝二斤以酒一斗漬以密封於熱灰火中溫令味出服五
合至一升量力服之

又方用葫蘆根亦如此尤良

姚云牛膝酒神驗也

又方多取商陸根搗蒸之以新布藉腹上藥披著布上勿腹上
冷覆之晝夜勿息

又方五月五日胡十斤去皮桂一尺二寸竈中黃土如鴨子一

道藏輯要

肘後備急方

卷

虛集十

枚合搗以苦酒和塗以布揜病不過三差

又方取檉木燒為灰淋取汁八升以釀一斛米酒成服之從半
合始不知稍稍增至一二升不盡一劑皆愈此灰入梁絳用

葉中釀酒也檉直忍切

凡癥堅之起多以漸生如有卒覺便牢大自難治也腹中癥有
結積便害飲食轉羸瘦治之多用陷水玉壺八毒諸大藥今止
取小易得者

取虎杖根勿令影臨水上者可得百餘杵熟煮汁可丸以菘
米五六升炊飯內日中塗藥後可飯取差

又方亦可取根一升搗千杵酒漬之從少起日三服此酒治癥